

საქართველოს ეკონომიკისა და მდგრადი განვითარების მინისტრის

ბრძანება №1-1/144
2024 წლის 11 აპრილი

ქ. თბილისი

„ელექტროენერჯის (სიმძლავრის) ბაზრის წესების დამტკიცების შესახებ“ საქართველოს ენერჯეტიკის მინისტრის 2006 წლის 30 აგვისტოს №77 ბრძანებაში ცვლილებების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის თანახმად, ვბრძანებ:

მუხლი 1

„ელექტროენერჯის (სიმძლავრის) ბაზრის წესების დამტკიცების შესახებ“ საქართველოს ენერჯეტიკის მინისტრის 2006 წლის 30 აგვისტოს №77 ბრძანებით დამტკიცებულ „ელექტროენერჯის (სიმძლავრის) ბაზრის წესებში“ (www.matsne.gov.ge, სსმ, №117, 31/08/2006, სარეგისტრაციო კოდი: 300.300.000.22.025.009.162) შეტანილ იქნეს ცვლილება და 41-ე მუხლს დაემატოს შემდეგი შინაარსის 30-ე – 34-ე პუნქტები:

„30. 2024 წლის მარტის თვეში, რუსეთ-საქართველოს საზღვარზე 220 კვ. ელექტროგადამცემ ხაზ „სალხინოსა“ ან/და 110 კვ. ელექტროგადამცემ ხაზ „ნაკადულზე“, ხელშეკრულების გარეშე შემოდინებული სრული მოცულობის (ანაზღაურების გარეშე) ელექტროენერჯის მიმღებად და შემდგომ აფხაზეთის ტერიტორიაზე მიწოდებლად მიჩნეულ იქნეს შპს „ენგურჰესი“, ამ წესების 38-ე მუხლის მე-2 პუნქტით აფხაზეთის ტერიტორიაზე მიწოდებული ელექტროენერჯის დაბალანსების მიზნებისათვის.

31. 2024 წლის მარტის თვეში აფხაზეთის ტერიტორიაზე მოხმარებული ელექტროენერჯის დაკმაყოფილება ხდება შემდეგი თანმიმდევრობით:

ა) რუსეთ-საქართველოს საზღვარზე 220 კვ. ელექტროგადამცემ ხაზ „სალხინოსა“ ან/და 110 კვ. ელექტროგადამცემ ხაზ „ნაკადულზე“, 2024 წლის მარტის თვეში ხელშეკრულების გარეშე შემოდინებული ელექტროენერჯია;

ბ) რუსეთ-საქართველოს საზღვარზე 220 კვ. ელექტროგადამცემ ხაზ „სალხინოსა“ ან/და 110 კვ. ელექტროგადამცემ ხაზ „ნაკადულზე“, 2024 წლის მარტის თვეში ელექტროენერჯეტიკული ბაზრის ოპერატორის მიერ იმპორტირებული და ენგურჰესის ჰიდროელექტროსადგურის მიერ შესყიდული ელექტროენერჯია;

გ) „ა“ და „ბ“ ქვეპუნქტებით განსაზღვრული მოცულობის ზემოთ დარჩენილი რაოდენობის დაფარვა ხორციელდება ენგურჰესის და ვარდნილჰესების კასკადის ჰიდროელექტროსადგურების მიერ 2024 წლის მარტის თვეში გამომუშავებული ელექტროენერჯით, ბაზრის წესების 38-ე მუხლის მე-2 პუნქტის შესაბამისად.

32. ამ მუხლის 30-ე პუნქტით გათვალისწინებული ხელშეკრულების გარეშე შემოდინებული ელექტროენერჯის ფაქტობრივი რაოდენობა განისაზღვრება, სისტემათაშორისი ხაზით (ხაზებით) მიწოდებული და მიღებული ელექტროენერჯის შემაჯამებელი აღრიცხვის აქტში (შემაჯამებელი აღრიცხვის აქტი) ასახული ელექტროენერჯის მოცულობების საფუძველზე. შესაბამისი საანგარიშო პერიოდისთვის ზემოთ აღნიშნული შემაჯამებელი აღრიცხვის აქტის წარმოუდგენლობის შემთხვევაში, ამ მუხლის 30-ე პუნქტით გათვალისწინებული ხელშეკრულების გარეშე შემოდინებული ელექტროენერჯის ფაქტობრივი რაოდენობა განისაზღვრება, გადამცემი სისტემის ოპერატორსა და რუსეთის ენერჯოსისტემის ტექნიკურ ოპერატორს შორის გაფორმებული ელექტროენერჯის ორმხრივად დადასტურებული მიღება-ჩაბარების აქტში ასახული ელექტროენერჯის მოცულობების, ხოლო რუსეთის შესაბამისი ტექნიკური ოპერატორის მიერ აღნიშნული აქტის დაუდასტურებლობის შემთხვევაში, – გადამცემი სისტემის ოპერატორის მიერ, ოპერატიული მონაცემებით, მათ შორის SCADA-ს/აღრიცხვის სისტემების მონაცემებით შედგენილ ცალმხრივ აქტში ასახული



ელექტროენერჯის მოცულობების საფუძველზე. ამასთან, ამ მუხლის 30-ე პუნქტით გათვალისწინებული ხელშეკრულების გარეშე შემოდინებული ელექტროენერჯის რაოდენობის განსაზღვრისას გაითვალისწინება საქართველოსა და რუსეთის შესაბამის სუბიექტებს შორის გაფორმებული იმპორტის ხელშეკრულებებით ფაქტობრივად მოწოდებულ ელექტროენერჯიაზე გაფორმებულ მიღება-ჩაბარების აქტებში ასახული ელექტროენერჯის მოცულობები.

33. ამ მუხლის 30-ე – 32-ე პუნქტების მოქმედება გავრცელდეს მხოლოდ 2024 წლის მარტის თვის საანგარიშო პერიოდზე.

34. ამ მუხლის 30-ე – 33-ე პუნქტებში აღნიშნული, 2024 წლის მარტის თვეში რუსეთ - საქართველოს საზღვარზე 220 კვ. ელექტროგადამცემ ხაზ „სალხინოსა“ ან/და 110 კვ. ელექტროგადამცემ ხაზ „ნაკადულზე“ ხელშეკრულების გარეშე შემოდინებული ელექტროენერჯის ღირებულება განისაზღვროს იმავე ელექტროგადამცემ ხაზებზე 2022 წლის მარტის საანგარიშო პერიოდში ელექტროენერჯეტიკული ბაზრის ოპერატორის მიერ იმპორტირებული ელექტროენერჯის სახელშეკრულებო ღირებულების შესაბამისად. ამ პუნქტით გათვალისწინებული ელექტროენერჯის საბაჟო გაფორმებაზე ვრცელდება ამ წესების 14⁷ მუხლი.“.

მუხლი 2

ეს ბრძანება ამოქმედდეს გამოქვეყნებისთანავე.

**საქართველოს ეკონომიკისა და
მდგრადი განვითარების მინისტრი**

ლევან დავითაშვილი

